

## Universitätsbibliothek Paderborn

### **Ioannis S. R. E. Cardinalis Bona Opera Omnia**

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis  
Ritibus omnium Ecclesiarum in psallendis Divinis Officiis, Tractatus,  
Historicvs, Symbolicvs, Asceticvs. Sive Psallentis Ecclesiae Harmonia -  
Opus novum, & curiosum, ac multiplici eruditione illustratum ... Operum ...

**Bona, Giovanni**

**Parisiis, 1678**

§. 4. Dies in quatuor praecipuas partes divisa ab Antiquis. Item nox. Quid  
stationes, quid vigiliae sint. Quota hora quodlibet officium celebrandum.  
Quot sint partes officii.

**urn:nbn:de:hbz:466:1-9929**

præsentis sæculi mensura fuisset, qualem nimirum futuri illius sæculi conditionem fore credimus. Illum quippe diem sine vespero fore, & omni alia successione caritatum esse, edocti sumus. Hæc, & alia plura elegantissimus Theodoreetus.

## §. IV.

*Dies in quatuor præcipuas partes divisa ab Antiquis. Item nox. Quid stationes, quid vigiliae sint. Quota hora quodlibet Officium celebrandum. Quot sint partes Officii.*

I. **R**Usum Antiqui diem & noctem in quatuor partes æquales inter se dividere solebant, quarum singulæ ab ultima hora inclusa nomen acciperent. Prima enim pars horam primam, secundam, & tertiam continens, Tertia dicebatur: Secunda horarum etiam trium, quartæ, quintæ, & sextæ, Sexta: Tertia septimæ, octavæ, & nonæ, Nona: Quarta à decima usque ad duodecimam, ultima & duodecima appellabatur. (a) Cornelius Jansenius, Victor Geselinus, & alii aliter explicant hanc diei partitionem in quatuor sectiones, sed errant toto cœlo, ut ostendit eruditissimus (b) Francolinus, quem consulat curiosus lector: nolo enim ætum agere. Porro istæ horæ insigniores præceteris erant in rebus humanis, nam teste (c) Tertulliano, diem distribuere, negotia distinguere, & publicè resonare solebant; Semper, & ubique, ait ille, & omni tempore orandum, tamen tres istas horas Tertiā, Sextā, & Nonā, ut insigniores in rebus humanis quæ diem distribuunt, quæ negotia distinguunt, quæ publicè resonant, solemniores fecerunt in oratio-

a Cornel. Jansenius in Conc. Evang. cap. 143. Victor Geselin. in notis ad Hym. i. Prudentii Cath. b Francolin. de temp. hor. Canonic. c. 21. c Tertull. de jejun. cap. 10.

nibus divinis. Quare & frequentior carum mentio in sacris & profanis Auctōribus habetur : & his dunata-  
xat utebantur Antiqui in designando tempore non so-  
lum orationis, cœlebrationis Missæ, solvendi jejunii,  
sed & aliarum rerum. Illud autem hoc loco notandum  
est, quod jam dicta trium horarum intervallā commu-  
niter olim pro una hora accipiebantur. Sic quæ de ho-  
ra tertia à priscis Scriptoribus notantur, non præcisè  
de hac hora, sed de prima etiam, & secunda intelligi  
debent, ita ut sub tertiae nomine totum tempus ab  
ortu solis ad ipsam tertiam comprehendatur. (d) Cen-  
sorinus de die natali, Veteres, inquit, diem quadri-  
partito, sed & noctem similiter dividebant. A Græcis  
quoque usurpatam hanc distinctionem constat ex Pau-  
sania in Messenicis, Suida verbo φραῦλος & (e) Ono-  
sandro in Strategico. Etiam Levitas apud Hebræos ser-  
vasse noctis vigilias, quas Græci φυλακῆς vocant, & ter-  
narum horarum observationem habuisse, Divus (f)  
Augustinus asseverat. Legendus (g) Baronius, qui to-  
mo primo Annalium hanc doctrinam luculenter con-  
firmat. Favent & plurimæ sacrorum (h) Canonum san-  
ctiones. Marcus (i) Varro, quem refert & probat  
Carolus Sigonius, Cosconius, inquit scribit in actioni-  
bus Prætorem Accenso jubere solitum; horam esse ter-  
tiam, Accensum inclamare horam esse Tertiam, Me-  
ridiem, & Nonam. Erant autem Accensi administrī  
magistratum ab acciendo, id est vocando, dicti. Duo-  
decim tabulis, ait k Plinius, ortus tantum, & occasus  
nominantur: post aliquot annos adjectus est & meri-  
ties, Accenso Consulum id pronunciante. Id vero quo  
ritu fieret Barnabas (l) Brissonius in doctissimo opere  
de formulis ostendit. Docet (m) Chrysostomus quod

d Censorin. cap. 10. e Onosand. Strateg. cap. 10. §. 3. f Aug. lib. 40. quæst.  
q. 4. sup. Num. g Baron. an. 34. nu. 162. & seq. h c. nocte, c. solent, c.  
de hoc, de consecr. dist. 1. item c. fin. dist. 44. & c. 1. dist. 75. i. Varro l.  
3. de Lingua Latina. Sigon. l. 1. de judiciis cap. 9. k Plin. lib. 7. c. ult.  
l Brisson. de form. lib. 5. m Chrysost. hom. 59. ad pop. Annoch.

Monachi in quatuor partes diem dispertiti, dum singulæ partes implentur, Psalmodiis & Hymnis Deum venerantur. *S.* (n) Benedictus in Regula iis, qui levioris culpæ rei sunt, pœnam excommunicationis imponens, non illius, quæ censura Ecclesiastica est; sed alterius Monasticæ & Regularis, qua Monachus solius mensæ participatione privatur: Refectionem, inquit, solus accipiat mensura, vel hora, qua præviderit Abbas ei competere: ut si, verbi gratia, fratres reficiant sexta hora, ille nona; si fratres nona, ille vespertina. En quomodo refactionem fratris qui peccavit, à sexta ad nonam rejicit, nulla facta mentione septimæ vel octavæ horæ intermediæ. Talis enim erat apud veteres consuetudo, ut iis solummodo solemniis horis ut plurimum uterentur. Horam quoque tertiam, & sextam nullâ intermediâ invenies apud (o) Senecam. Consentit huic divisioni (p) Prudentius his versibus:

*Nona submissum rotat hora Solem  
Partibus vix dum tribus evolutis,  
Quarta devexo supereft in axe  
Portio lucis.*

Princeps (q) Apostolorum post acceptum Spiritum sanctum suspicionem ebrietatis diluit, quod esset hora diei tertia, cum minimè probabile videretur viros Religiosos tribus primis horis diei ebrios fuisse. Ex hac horarum observatione sunt item qui concilient Evangelistas circa horam crucifixionis Christi, cum Marcus hora tertia crucifixum dicat, Joannes sexta: de qua controversia legere oportet subtiliter disputantem Marcellum (r) Francolinum post (s) Doctores scholasticos, & Interpretes Evangeliorum.

II. Porro hæc divisio diei & noctis in quatuor partes, quæ singulæ ternas continent horas, apud mili-

<sup>n</sup> S. Bened. Reg. c. 24. <sup>o</sup> Senec. Epist. 222. <sup>p</sup> Prudent. Kathim. Hym. post jejun, q. Að. 2. 16. <sup>r</sup> Francolin. c. 22. & 23. <sup>s</sup> Theologi in 3. p. q. 46. art. 9.

tes, teste (*t*) Vegetio, diu quidem stationum, noctu autem vigiliarum nomine censebatur. Quod etiam Græci observabant, ut ex (*u*) Aenea vetustissimo Scriptore in Commentario tactico de toleranda obsidione colligitur, in his capitibus, quorum titulus est, *περὶ ἡμεροσκοπῶν* de diurnis speculatoribus, & φυλακῶν κατάστασις de constitutione vigiliarum. Docet (*x*) Lipsius diligentissimus antiquitatis rimator, Romanum morem fuisse totas cohortes & turmas ponere in stationibus; non unum, aut alterum militem, ut quos hodie à sentiendo sentinellas vocamus. At (*y*) Modestus de singulis centuriis quaternos equites, & quaternos pedites excubitum fecisse scribit. Plura de hac re Antonius (*z*) Valtrinus libro quarto de re militari, & Vvolfrangus (*a*) Lazius libro item quarto commentariorum Reip. Romanæ. Nocturnos autem vigiles dictos Tesserarios adverto, quod tesseram, vel signum à Tribunis, sive Præfectis legionum acciperent, & per militum contubernia nunciarent, ut (*b*) Polybius docet. Ipsæ excubiæ, dante buccina signum, singulis tribus horis mutabantur. (*c*) Augustinus, Vigiliæ spatium, ait, non habet amplius quam tres horas. Eradius (*d*) Presbyter apud eundem Augustinum; Vigilia una tres horas habet, ac per hoc nox quatuor vigilias habet, ternis horis per singulas vigilias distributis. Lucanus. (*e*)

*Tertia jam vigiles commoverat hora secundos.*

Hunc autem versum Ludovicus de la (*f*) Cerdà ad librum nonum Aeneidos Virgilianæ sic interpretatur, ut existimet ex eo colligi primos vigiles durasse primam & secundam vigiliam: secundos tertiam & quartam. Audis enim, ait, in Lucano secundos vigiles surrexisse ad tertiam vigiliam. Miror viri docti oscitantiam in re

*t* Veget. de re militari l. 3. c. 8. *u* Aeneas de re militari, cap. 6. & 22. *x* Lipsius lib. 5. de militia Romana dialog. 8. *y* Modestus lib. de vocabulis rei milit. *z* Valtrin. lib. 4. c. 6. *a* Lazius lib. 4. c. 3. *b* Polybius lib. 6. c Aug. in Psalm. 89. *d* Eradius creditus Aug. serm. 14. de verbis Domini, *e* Lucan. lib. 5. *f* Cerdà in Virgil. lib. 9, An. v. 164.

clarissima: Tertia etenim hora, non tertia vigilia surrexisse vigiles secundos scribit Lucanus, ut patet. Sed pergo. Silius Italicus: (g)

*Mediam sonitu cum buccina noctem  
Divideret, jamque excubias sortitus iniquas  
Tertius abrupta vigil iret ad arma quiete.*

Propertius. (h)

*Et jam quartā canit venturam buccina lucem  
Ipsaque in Oceanum sidera lapsa, cadunt.*

Seneca in Thieste. (i)

*Nondum in noctem vergente die  
Tertia misit. buccina signum*

Frontinus, (k) Sulla, inquit, bello sociali nocte profectus relicto buccinatore, qui vigilias ad fidem remanentium divideret, & quarta vigilia commissa eum sequeretur, incolumes suos perduxit. Stationum quoque, & vigiliarum vocabula invenio in (l) sacris libris. Arnobius (m) junior, Custodia una, ait, quarta pars noctis est: ergo prima custodia à vespere incipit, secunda ad medium noctis ascendit, tertia pullorum cantu transit, quarta vigilia matutina in ortu lucis adimpletur. Eadem ratione (n) Euthymius Zigabenus Auctōr Græcus, (o) & Paschalius Ratbertus noctis vigilias distinguunt. (p) Moschus item Poëta Venerem somnum immisisse Europæ singit, cum tertia pars noctis stat, & aurora propè est. Sic inter se partiri solebant milites diu, noctuque vigilandi laborem, ut singulis trihorii mutarentur excubiæ. Prima diei statio hora tertia terminabatur secunda, hora sexta; tertia, hora nona; quarta, hora duodecima. Hac incipiebat prima vigilia noctis, & hora tertia finem habebat. Lucianus Presbyter in historia inventionis S. Stephani, Hora, inquit, tertia, quæ est prima custodia vigiliarum. Se-

g Silius lib. 7. h Propert. l. 4. eleg. cui tit. est Tabula Tarpeia. i Senec. Thiest. v. 799. k Frontin. lib. 1. c. 5. l 1. Reg. 10. 13. & 14. Esdr. 13. Isai. 22. Exod. 14. Iudic. 7. 1. Reg. 11. Matth. 14. Luc. 2. m Arnob. in Ps. 129. n Euthy. in Ps. 129. o Pasch. lib. 7. in Matth. c. 14. p Mosc. Idyll. 2.

eunda durabat usque ad medium noctem, de qua (g) Livius; Signo secundæ vigiliæ convenistis, quod tempus mortales somno altissimo premit. Tertia usque ad horam nonam protrahebatur, de cuius initio sic canit Seneca: (r)

*Partes ferè nox alma transferat duas,  
Clarumque septem verterant stellæ jugum.*

Quarta, quæ dicebatur matutina, usque ad ortum solis durabat, & de hac sic cecinuit Statius: (f)

*Quarta soporiferæ superabant tempora noctis,  
Cum vacua nubes, & honor non omnibus astris,  
Afflatusque fugit curru majore Bootes.*

Solus (t) Euripides præter aliorum morem, noctem in quinque vigiliæ partiri videtur: nam in Rheso quintæ vigiliæ meminit circa auroram Viderint doctiores. Magister (u) Historiæ scholasticæ, nescio quo fundamento scribit primam vigiliam conticinium dici, in qua omnes simul vigilant: Secundam intempestum, in qua adolescentes: Tertiam gallicinum, in qua viri: Quartam antelucanum, in qua senes. Has Dominus noster aliis nominibus insignivit, dum nos exhortans ad vigilandum, dixit, (x) *Vigilate, nescitis enim quando Dominus veniat, serò, an media nocte, an galli cantu, an manè.*

III. Olim Christiani diebus jejuniorum tota nocte in Ecclesia vigilabant, & die sequenti usque ad Nonam, & in Quadragesima usque ad Vespertas in eadem Ecclesia sine cibo & potu perseverabant orantes & psallentes. Hinc vigilarum, & stationum nomen apud Ecclesiasticos emanavit, ut docent (y) Isidorus, Rabanus Maurus, & antiquissimus Tertullianus, apud quem solvere stationem idem est ac jejunium solvere, qua loquendi formula utitur etiam (z) Cassianus. Sanctus autem Gregorius certas Vrbis Ecclesiæ stationibus assi-

<sup>g</sup> Livius l. 7. dec. 1. r Sen. Troad. v. 437. s Statius l. 11. Theb. r Euripid. in Rheso. v. 543 & 563. u Magist. cap. 75. Hist. Evang. x Marc. 13. 35. y Isid. lib. 6. origin. Raban lib. 2. de instit. cleric. 18. Tertull. lib. de jejunis cap. 18. de orat. c. ult. ad uxorem, & alibi. z Cassian. coll. 21. cap. 29.

gnavit, & diebus quoque solemnioribus stationes fieri usque ad Sextam jussit; atque ad has Ecclesias istis etiam temporibus statis diebus fidelium concursus fieri solet: quamvis nocturnæ vigilantium excubiæ, & diurnæ stationes refrigescente charitate sublatæ nunc sint, sola jejunii abstinentia permanente. Gabriel (*a*) Albaspinæus, Episcopus Aurelianensis in suis observationibus de veteribus Ecclesiæ ritibus aduersus Pamelium, conatur ostendere stationes à jejunis differre: cum tamen vix aliud probet, quam multa olim à Christianis in stationibus facta esse præter jejunia; cujusmodi sunt ad Ecclesiam convenire, & in ea commorari usque ad horam statutam, precibus incumbere, contemplationi vacare, operibus pœnitentiæ corpus affligere, ac denique sumere Eucharistiam. Clarius de hac re Dionysius Petavius in notis ad Epiphanius, ubi de veteribus Ecclesiæ ritibus, ad expositionem fidei pag. 356. Nam quædam stationes cum jejunis conjuncte erant, quando videlicet fas erat fidelibus soluta statione, quæ durabat usque ad Nonam, cibum sumere: quando vero jejunium prorogabatur usque ad Vesperam, sicut in Quadragesima, tunc aliud erat jejunium, aliud statio; quia videlicet statio hora nona, jejunium ad Vesperam solvebatur. Et priora quidem Tertullianus semijejunia vocat, lib. de jeuniis cap. 13. ac si plenum jejunium usque ad solis occasum producendum foret. De vigiliis vero, quod attinet ad historicam veritatem, legendus (*b*) Baronius in Annalibus Ecclesiasticis, & in notis ad Romanum Martyrologium. Hæc è veterum monumentis deprompta necessario prænotanda fuerunt, ut sciret lector quid dies, quid nox sit; quæ horæ æquales, & inæquales; quid Prima hora Canonica, quid Tertia, quid Sexta, quid Nona; quale Matutinum tempus,

*a* Albaspin. lib. 1. observat. 16. *b* Baron. to. 1. Ann. an. 51. num. 68. & seqq. to. 8. an. 490. num. 320. num. 36. 37. & in Rom. Martyrol. die 5. Ianuarii.

Quale Vespertinum, quid Vigiliae nocturnæ, quid divinæ stationes. Ut igitur paucis verbis colligamus quænam sit hora legitima cujusque officij celebrandi, dicimus regulariter Primam prima diei hora, Tertiam tertia, Sextam sexta, Nonam nona, Vesperas undecima, Completorium duodecima persolvi debere: Verumtamen adhuc amplius dilatari posse hæc tempora existimamus, ita ut Primæ prima dumtaxat diei hora, Tertiæ secunda & tertia; Sextæ quarta, quinta & sexta; Nonæ septima, octava & nona; Vesperis decima & undecima; Completorio sola duodecima assignentur. Hujus extensionis exemplum patet in (c) Regula S. Benedicti; Nam S. Pater æstivo tempore Nonam agi temperius præcipit mediante octava hora; hyberno autem dici tertiam jubet hora secunda. Laudum vero celebrandarum legitima hora est initium crepusculi matutini: & nocturnæ synaxis, media nox vel hora secunda post medium noctem, sive hora una ante lucem, ut clarius ex dicendis infra constabit.

IV. Ceterum in fine hujus capitinis id obiter examinandum occurrit, quot sint partes divini Officij. Potest autem multiplex responsio dari pro varia quæsiti acceptione. Et primò quidem dividitur Officium in duas partes, majores, & minores. Majores sunt Nocturnum, Laudes, Prima, Sexta, Nona, Vesperæ, & Completorium: Minores, Psalmi, Hymni, Cantica, Versus, Antiphonæ; Lectiones, Responsoria, Collectæ, & aliæ res ejusdem generis, lex quibus unumquodque officium coalescit. Secundò dividitur totum Officium in Nocturnum, & Diurnum. Nocturnum secundum quosdam quatuor partes comprehendit, Vesperas, Completorium, Nocturnos, & Laudes. Hæc enim, quatuor Officia vel absente sole, vel circa ejus occasum antiquitus persolvi solebant. At nunc cum Prima, Tertia, Sexta, & Nonæ, etiam, Vesperæ, & Completorium ad diurnæ ser-

f. S. Bened. reg. c. 40.

vitutis pensum; Nocturni autem, & Laudes ad Nō<sup>o</sup>  
turnam synaxim pertinent, sive unum duntaxat Offi-  
cium, sive duplex efficiant, quam controversiam ini-  
tio capituli quinti solvemus. Dico tertio, diurnas preces  
in Matutinas, & Vespertinas distribui. Et quidem abu-  
sus, & vulgi acceptio, Primam, Tertiam, Sextam &  
Nonam matutino; Vesperas, & Completorium ves-  
pertino tempori assignant. At peritiorum sensus, sacro-  
rumque Canonum sanctiones ad pomeridianum & ves-  
pertinum tempus etiam Nonam adjungunt. Aliæ Offi-  
ciorum divisiones à varietate temporis desumuntur:  
quo pacto dicimus aliud esse Officium feriale, aliud  
Festivum; aliud Quadragesimale, aliud Paschale, quo-  
rum omnium rationem, & causam Durandus in Rā-  
tionali, & antiqui Patres, Isidorus, Alcuinus, Ruper-  
tus, Amalarius, Rabanus, & alii in suis Tractatibus de  
divinis Officiis doctè & eruditè explicarunt.

## CAPUT IV.

## DE NOCTURNIS VIGILIIS,

## §. I.

*Cur nocte orandum sit. Etiam Ethnicos nocturnas  
vigilias celebrasse in honorem Deorum. Exhorta-  
tio ad vigilandum. Oratio ut mysticæ fugentur  
tenebrae.*

I. **B**Enē se res habet, ut verba usurpem (a) Salviani  
viri sanctissimi: iacta sunt fundamenta operis pia  
molitione cœpti, & divini Officii amore suscepiti. Jam  
ipsius Officii majores partes explicare aggredior à no-  
cturnis vigiliis incipiens. Tametsi enim à primis Vespe-  
ris Ecclesiastica dies, quoad solemnum horarum Can-

a Salvian, initio l. 3. de gub. Dei.